
KJARASAMNINGUR

Skógræktarfélags Íslands (SÍ)

og

Félags íslenskra náttúrufræðinga (FÍN)

1. gr.

Gildissvið

Kjarasamningur þessi tekur til þeirra starfsmanna ofangreinds vinnustaðar, Skógræktarfélags Íslands, sem eru félagar í Félagi íslenskra náttúrufræðinga og eru þeir nefndir félagsmenn í samningi þessum.

2. gr.

Meginefni

Um kjör félagsmanna sem samningur þessi tekur til og samskipti aðila samnings þessa skal fara eftir öllum form- og efnisákvæðum kjarasamnings Félags íslenskra náttúrufræðinga við fjármálaráðherra á hverjum tíma – svo og fylgiskjölum og bókunum eftir því sem við á – nema öðruvísi sé sérstaklega um samið í kjarasamningi þessum við Skógræktarfélag Íslands. Breytingar í ráðningarsamningi félagsmanni í óhag eru ógildar, sbr. 24. gr. laga nr. 94/1986 um kjarasamninga opinberra starfsmanna.

3. gr.

Önnur réttindi

Um kjör félagsmanna og réttindi fer einnig að breyttu breytanda eftir eftirfarandi samningum ríkisins við BHM f.h. aðildarféлага þess:

- a) Samkomulagi um trúnaðarmenn, dags. 9. janúar 1989, milli fjármálaráðherra f.h. ríkissjóðs og BHMR f.h. aðildarféлага.
- b) Samkomulagi um starfshætti samstarfsnefnda, dags. 9. janúar 1989, milli fjármálaráðherra f.h. ríkissjóðs og BHMR f.h. aðildarféлага.
- c) Samkomulagi um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. júní 1996 (sbr. reglur nr. 351/1996).
- d) Samkomulagi um lágmarksreglur um auglýsingar á lausum störfum samkvæmt 7. gr. laga nr. 70/1996 um réttindi og skyldur starfsmanna ríkisins milli fjármálaráðherra annars vegar og ASÍ, BHM og BSRB hins vegar, dags. 12. ágúst 1996 (sbr. reglur nr. 464/1996).
- e) Samningi um ákveðna þætti er varða skipulag vinnutíma, dags. 23. janúar 1997, milli fjármálaráðherra f.h. ríkisins, Reykjavíkurborgar og Launanefndar sveitarféлага annars vegar og ASÍ, BHM, BSRB og KÍ hins vegar.
- f) Samningi um rétt þungaðra kvenna til mæðraskoðunar, dags. 13. ágúst 1999, milli fjármálaráðherra og BHM.

4. gr.

Réttarstaða

Réttindi og skyldur félagsmanna í starfi hjá SÍ skulu að öllu leyti vera hliðstæð réttindum og skyldum ríkisstarfsmanna samkvæmt ákvæðum laga nr. 70/1996 um

Platt

Rf.

réttindi og skyldur starfsmanna ríkisins (starfsmannalaga), svo og stjórnslulögum nr. 37/1993,– þ.m.t. samkvæmt form- og efnisreglum, sem stofnun ber að virða áður en gripið er til uppsagnar, að undangenginni áminningu ef við á, sbr. 21. og 44. gr. starfsmannalaga, svo og skyldu stofnunar til þess að rökstyðja uppsögn og áminningu. Kærustig samkvæmt 2. mgr. 13. gr., 1. mgr. 20. gr., 5. mgr. 26. gr., 2. mgr. 30. gr. og 2. mgr. 44. gr. er stjórn sjálfseignarstofnunarinnar.

5. gr.

Efni ráðningarsamnings

Við ráðningu félagsmanna er skylt að nota til þess gerðan ráðningarsamning, sem báðir aðilar viðurkenna. Í ráðningarsamningi skal auk tilvísunar í starfslýsingu tilgreina starfsheiti, laun, greiðslutímabil launa, vinnutímafyrirkomulag, vinnutíma, vinnustað, upphafstíma ráðningar – svo og lokadag sé ráðning tímabundin, starfsaldur, og önnur starfskjör, svo og stéttarfélag, sem starfsmaður velur. Að öðru leyti vísast í samkomulag um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. júní 1996 (sbr. reglur nr. 351/1996).

6. gr.

Lífeyrissjóðsaðild

Félagsmenn skulu vera í Lífeyrissjóði starfsmanna ríkisins (LSR) og greiða 4,0 % iðgjald til LSR. Stofnunin greiðir mótframlag til LSR samkvæmt reglum LSR á hverjum tíma, nú 11,5 % í A-deild, og ber þá ábyrgð á skuldbindingum sem lög um LSR, samþykktir LSR og ákvarðanir stjórnar og starfsnefndar LSR á hverjum tíma fela í sér. Félagsmenn greiða 2% eða 4% í séreignasjóð að eigin vali, kjósi þeir svo, en vinnuveitandi greiðir 2% mótframlag. Félagsmenn sem eiga rétt á aðild að B-deild LSR halda þeim rétti sínum.

7. gr.

Sjóðsaðild

Aðild félagsmanna að öðrum sjóðum á vegum BHM – Orlofssjóði BHM, Starfsmenntunarsjóði BHM, eldri deild, nýjum Styrktarsjóði BHM, svo og Fjölskyldu og styrktarsjóði opinberra starfsmanna – er óbreytt og sem endranær háð greiðslu sjóðsframlags samkvæmt gildandi kjarasamningi sem vísað er til í samningi þessum.

8. gr.

Gildistími

Gildistími kjarasamnings þessa er sá sami og gildistími kjarasamnings Félags íslenskra náttúrufræðinga við fjármálaráðherra eins og hann er á hverjum tíma.

Blatt

Bj.

9. gr.

Lagarammi

Um samskipti aðila kjarasamnings þessa – þ.m.t. réttarstöðu trúnaðarmanna, samstarfsnefndir, gerð kjarasamninga og vinnudeilur – gilda þeir samningar, sem vísað er til í samningi þessum, svo og lög um kjarasamninga opinberra starfsmanna, sbr. 2. gr. laganna.

10. gr.

Betri réttur

Félagsmenn, sem notið hafa betri réttinda en samningur þessi gerir ráð fyrir, skulu halda þeim óskertum.

Staður: Reykjavík dags. 29. maí 2006,

Fh. Félags íslenskra náttúrufræðinga
með fyrirvara um samþykki félagsmanna,

Þríturloftarráðgjafi

Fh. Skógræktarfélag Íslands
með fyrirvara um samþykki stjórnar,

Brynjólfur Guðjónsson

B.J.